




Broj: 01/5-29-1341/17

Sarajevo, 19. 7. 2017.



**KOLEGIJU PREDSTAVNIČKOG DOMA
PARLAMENTARNE SKUPŠTINE BiH**

**PREDMET: Prijedlog za uvrštavanje nove tačke u dnevni red 50. sjednice
Predstavničkog doma koja glasi: Preporuke s konferencije „Nacionalni
javni radiotelevizijski servis Bosne i Hercegovine“, održane 13. i 14. juna
2017. u Sarajevu**

Poštovani,

Javni radiotelevizijski servis Bosne i Hercegovine (u daljnjem tekstu: BHRT) je 21.6.2017. Komisiji za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) dostavio preporuke s konferencije: „Nacionalni javni radiotelevizijski servis Bosne i Hercegovine“, održane 13. i 14. juna 2017. u zgradi BHRT-a u Sarajevu. Konferenciju su organizirali BHRT i Udruženje BH novinari, u saradnji s Vijećem Evrope, Evropskom radiodifuznom unijom (EBU), predstavnikom Misije OSCE-a za slobodu medija i Medijskom organizacijom jugoistočne Evrope (SEEMO).

Dostavljene preporuke odnose se na mjere koje treba da preduzmu: Parlamentarna skupština BiH, Parlament Federacije BiH, Vijeće ministara BiH i Odbor Javnog radiotelevizijskog sistema BiH.

Komisija je na 39. sjednici, održanoj 19.7.2017., u prisustvu predstavnika BHRT-a, Ministarstva komunikacija i prometa BiH i Regulatorne agencije za komunikacije BiH, razmatrala navedene preporuke, te konstatirala sljedeće:

- Profesionalan, nezavisan i vjerodostojan javni servis nužan je za demokratiju i procese izgradnje nacionalnog identiteta i socijalne kohezije.
- Odbor Javnog radiotelevizijskog sistema BiH nije u mogućnosti punovažno odlučivati bez članova Upravnog odbora Radiotelevizije Federacije BiH, pa je potrebno da Parlament Federacije BiH u najkraćem roku provede postupak imenovanja članova UO Radiotelevizije Federacije BiH.
- Interresorna radna grupa za analizu primjene Zakona o Javnom radiotelevizijskom sistemu BiH koju je imenovalo Vijeće ministara BiH dana 12.5.2017. do danas nije počela raditi.

Komisija je nakon rasprave, u skladu s članom 32. stav (1) i članom 70. stav (3) Poslovnika Predstavničkog doma, jednoglasno usvojila sljedeći zaključak:

Komisija za saobraćaj i komunikacije Predstavničkog doma predlaže uvrštavanje nove tačke u dnevni red 50. sjednice Predstavničkog doma koja glasi: Preporuke s konferencije „Nacionalni javni radiotelevizijski servis Bosne i Hercegovine“, održane 13. i 14. juna 2017. u Sarajevu.

Također, Komisija je usvojila i sljedeće zaključke koje predlaže Predstavničkom domu na usvajanje:

1. Predstavnički dom Parlamentarne skupštine BiH traži od Odbora Javnog radiotelevizijskog sistema BiH da Domu dostavi Nacrt izmjena i dopuna Zakona o Javnom radiotelevizijskom sistemu BiH kojim će obezbijediti privremeno finansiranje javnih emitera u periodu od godinu dana, do utvrđivanja konačnog rješenja za finansiranje Javnog RTV sistema BiH.
2. Predstavnički dom Parlamentarne skupštine BiH traži od Interresorne radne grupe za analizu primjene Zakona o Javnom radiotelevizijskom sistemu BiH da hitno počne raditi.
3. Predstavnički dom Parlamentarne skupštine BiH zadužuje Vijeće ministara BiH da u roku od 60 dana izradi akcioni plan za rješavanje pitanja finansiranja Javnog RTV sistema BiH, u koji je uključena i finansijska pomoć za izmirenje dugovanja i obaveza BHRT-a.
4. Predstavnički dom Parlamentarne skupštine BiH ukazuje na značaj i hitnost potrebe da Parlament Federacije BiH u najkraćem roku provede postupak imenovanja članova Upravnog odbora Radiotelevizije Federacije BiH.

PRILOG:

1. Preporuke s konferencije: „Nacionalni javni radiotelevizijski servis Bosne i Hercegovine“, održane 13. i 14. juna 2017. u Sarajevu.

S poštovanjem,

Dostavljeno:

- naslovu
- a/a



Ahmed Jalovicic

From: Emir Basic <emir.basic@bhrt.ba> on behalf of lejla.babovic@bhrt.ba
Sent: 19. juni 2017 13:03
To: Momcilo Novakovic; Ahmed Jalovicic
Cc: Lejla Babovic
Subject: Preporuke sa BHRT konferencije
Attachments: Konferencija - preporuke 19.06.2017..doc

Importance: High

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO. 21-06-2017			
Organizaciona jedinica	Klasifikaciona oznaka	Redni broj	Broj priloga
01/5	29-	1341	17

Poštovani g. Novakoviću,

Obavještavamo vas da je međunarodna konferencija „ Nacionalni javni radiotelevizijski servis Bosne i Hercegovine“ uspješno održana 13. i 14. juna u zgradi BHRT-a, Sarajevo.
Kao što smo vas već ranije upoznali Konferenciju je organizirao BHRT sa Udruženjem BH novinari u suradnji sa Evropskim parlamentom, Vijećem Evrope, Uredom Vijeća Evrope u BiH, OSCE RoFM, OSCE-om u BiH, SEEMO, Evropskom federacijom novinara- EFJ, i sa Evropskom radiodifuznom unijom - EBU.

BHRT je bio domaćin događaju koji je okupilo više od 100 učesnika iz Parlamenta BiH, Parlamenta Federacije BiH, Vijeća ministara BiH, Vlade federacije BiH, Vlade Republike Srpske, RAK-a, medija, međunarodne zajednice, ambasada, eksperata i drugih.

Važno je napomenuti da su u radu Konferencije lično učestvovali i Nils Mižnleks, komesar vijeća Evrope za ljudska prava, Tanja Fajon, članica Evropskog parlamenta i Christian Dan Preda, izjavitelj Evropskog parlamenta za Bosnu i Hercegovinu.

Konferencija je bila veliki zajednički napor svih učesnika i rezultirala je preporukama koje vam dostavljamo u prilogu ovog maila.

Konkretna i hitna akcija i mjere se preporučuju bh. vlastima i drugim akterima ukoliko ne želimo da put Bosne i Hercegovine ka Evropskoj uniji bude zaustavljen.

Srdačno,

Lejla A. Babović
Rukovoditelj Odjela međunarodni poslovi
Radiotelevizija Bosne i Hercegovine
T: + 387 33 408 051
M: + 387 61 720 847
E: lejla.babovic@bhrt.ba

--
This message has been scanned for viruses and dangerous content by MailScanner, and is believed to be clean.

COUNCIL OF EUROPE



CONSEIL DE L'EUROPE



RADIO-TELEVIZIJA BOSNE I HERCEGOVINE
RADIO-TELEVISION BOSNE ET HERZEGOVINE
RADIO AND TELEVISION OF BOSNIA AND HERZEGOVINA

EBU

OPERATING EUROVISION AND EURORADIO

OSCE

The Representative on
Freedom of the Media

www.youthpress.org

S·E·E·M·O

SOUTH EAST EUROPE MEDIA ORGANIZATION



MEĐUNARODNA KONFERENCIJA

"NACIONALNI JAVNI RADIOTELEVIZIJSKI SERVIS BOSNE I HERCEGOVINE"

Radiotelevizija Bosne i Hercegovine – BHRT, Udruženje BH novinari, European Broadcasting Union - EBU, Vijeće Evrope - CoE, OSCE predstavnik za slobodu medija - RoFM, Evropska federacija novinara – EFJ i Medijska organizacija jugoistočne Evrope – SEEMO, uz učešće članova Evropskog parlamenta Tanje Fajon i Dan Prede, komesara za ljudska prava Vijeća Evrope Nilsa Mižnleksa i bivše predstavnice OSCE-a za slobodu medija Dunje Mijatović, usvojili su sljedeće:

PREPORUKE KONFERENCIJE

IZAZOVI I PRIJETNJE

1. Profesionalan, nezavisan i vjerodostojan javni servis nužan je za demokratiju i procese izgradnje nacionalnog identiteta i socijalne kohezije. Također, on je protuotrov širenju dezinformacija i propagande koji su stvorili uvjete za rat u 90-ima
2. Međunarodna zajednica konstantno upozorava BiH da je potpuno neprihvatljivo da dozvoli kolaps Javnog radiotelevizijskog sistema.

3. Neuspjeh u rješavanju krize javnog servisa dovest će do zatvaranja BHRT-a što će narušiti imidž BiH na međunarodnoj sceni, predstavljajući BiH kao zemlju koja ne uspijeva u demokratiji i ozbiljno će ugroziti pregovore BiH s Evropskom unijom i ne manje bitno, to bi moglo dovesti do isključenja BHRT-a iz članstva EBU-a.
4. Gubitak važnog društvenog aktera dovodi do rizika kršenja standarda Vijeća Evrope na polju slobode izražavanja, uključujući tu i član 10 Evropske konvencije o ljudskim pravima, ozbiljno će ugroziti procese konsolidacije u državi i medijski pluralizam, te će doprinijeti dubljim podjelama po etničkim linijama. Nadalje, omogućit će veći uticaj lokalnih političara na javni medijski servis. Otvorit će vrata za veću promociju uskih političkih interesa na javne servise.
5. Odgovorno i proaktivno političko rukovodstvo neophodno je da bi se riješili strukturalni problemi za funkcioniranje Javnog radiotelevizijskog servisa i stvorili finansijski uvjeti za samoodrživ i politički nezavisan Sistem javnog emitiranja u Bosni i Hercegovini.
6. Postoji potpuno razumijevanje svih relevantnih strana, uključujući političare, da javni servis na nivou države mora biti sačuvan i da se hitno moraju poduzeti i mjere u tom pravcu. U tom cilju, Vijeće ministara BiH je jednom osiguralo finansijsku pomoć BHRT-u što je olakšalo finansijsku situaciju, ali ova pomoć i dalje treba biti osigurana.

HITNE MJERE

7. Usvojene preporuke ove Konferencije bit će poslane članovima parlamenata i vladama 19.06.2017. godine
8. Ove preporuke bit će predstavljene na sljedećoj sjednici Zastupničkog doma Parlamentarne skupštine BiH koja će biti održana 05.07.2017. godine
9. Zastupnički dom i Dom naroda Parlamentarne skupštine BiH trebaju hitno održati vanrednu sjednicu na kojoj bi se razmatrali amandmani na Zakon o javnom RTV sistemu
10. Koordinacioni tim, u sastavu Borka Rudić, Plamenko Čustović, Dara Cvijetić, Zoran Krešić i Goran Samardžić, uključujući *éminence grises* medijske zajednice i pod rukovodstvom Belmina Karamehmedovića i Lejle A. Babović pratit će implementaciju preporuka Konferencije.

HITNE MJERE – PREPORUKA ZA PARLAMENTARNU SKUPŠTINU BOSNE I HERCEGOVINE

11. Po hitnoj proceduri usvojiti amandmane na Zakon o javnom radiotelevizijskom sistemu BiH, koji će omogućiti prikupljanje RTV takse/pretplata putem računa za električnu energiju sve dok ne bude usvojen održiv mehanizam finansiranja. Amandamane na Zakon treba pripremiti Upravni odbor javnog radiotelevizijskog sistema BiH, koji čine članovi sva tri Upravna odbora javnih radiotelevizijskih servisa BiH.
12. Tražiti od Vijeća ministara BiH da po hitnom postupku do 15.07.2017. godine izdvoji finansijsku pomoć kako bi se pokrila dugovanja BHRT-a

13. Harmonizirati entitetske zakone sa Zakonom o javnom radiotelevizijskom sistemu BiH i kreirati osnov za stvaranje zajedničkog tijela sva tri javna emitera za prikupljanje RTV takse

HITNE MJERE – PREPORUKA ZA PARLAMENT FEDERACIJE BIH

14. Po hitnoj proceduri usvojiti amandmane na Zakon o izvršnom postupku FBiH, kao i na druge pravne akte, kako bi se osigurala efektivna naplata RTV takse.

HITNE MJERE – PREPORUKA ZA VIJEĆE MINISTARA BIH

15. Izdvojiti hitnu finansijsku pomoć BHRT-u kako bi nastavio funkcionirati. Međunarodni donatori, banke i agencije za razvoj, koje mogu pomoći u prevazilaženju problema dugovanja, također mogu biti uključeni. Vijeće ministara treba biti garant otplatnom planu duga BHRT-a prema EBU i time osigurati, odnosno okončati sankcije EBU-a pod kojim je BHRT što bi BHRT-u ponovo omogućilo korištenje EBU usluga.

OSTALE PREPORUKE VIJEĆU MINISTARA BIH

16. Vijeće ministara BiH treba pripremiti jednogodišnji program reforme Javnog radiotelevizijskog sistema BiH i do 15.07.2017. godine formirati *Task force* za implementaciju ovih reformi.
17. Vijeće ministara BiH treba do 15.07.2017. godine formirati Radnu grupu, uključujući predstavnike civilnog društva i međunarodne zajednice, za pripremu amandmana i za harmonizaciju Zakona o javnom radiotelevizijskom sistemu BiH.

HITNE MJERE – PREPORUKE ZA UPRAVNI ODBOR JAVNOG RADIOTELEVIZIJSKOG SISTEMA

18. Upravni odbor javnog radiotelevizijskog sistema BiH treba pripremiti amandmane i mehanizme za prikupljanje RTV takse na svom prvom zasjedanju, 22.06.2017. godine i iste predati Parlamentarnoj skupštini BiH do kraja juna 2017. godine. Ovi amandmani trebaju biti usvojeni i biti zajednički prijedlog Upravnog odbora javnog radiotelevizijskog sistema BiH.
19. Daje se podrška Upravnim odborima emitera i menadžmentima tri javna radiotelevizijska servisa BiH da pregovaraju i zaključe ugovore s elektroprivredama, s obzirom na to da postojeće zakonsko rješenje omogućuje da na ovaj način bude mehanizam za rješavanje problema finansiranja.
20. Upravni odbori emitera i menadžmenti tri javna radiotelevizijska servisa BiH trebaju formirati zajedničko tijelo za prikupljanje RTV takse.

21. Upravni odbori tri javna radiotelevizijska servisa BiH hitno trebaju harmonizirati postojeće akte s entitetskim zakonima i sa Zakonom o javnom radiotelevizijskom sistemu BiH.

SREDNJOROČNE MJERE

22. Otvoren dijalog svih zainteresiranih strana, posebno treba uključiti u ovaj proces i javnost s ciljem da se osigura odgovarajuća zastupljenost potreba i interesa svih konstitutivnih naroda u BiH – Bošnjaka, Hrvata, Srba i ostalih, uključujući i sve grupe i manjine u programima javnih radiotelevizijskih servisa BiH.
23. Zakoni moraju biti harmonizirani i obavezivati Federaciju Bosne i Hercegovine i Republiku Srpsku da u potpunosti poštuju vladavinu zakona i da iste implementiraju. Zakon na nivou države ne smije biti derogiran na niži nivo, na nivo entiteta. Odgovarajući sistem sankcija treba osigurati primjenu zakona.

DUGOROČNE MJERE

24. Parlamenti, vlade, Regulatorna agencija za komunikacije i javni radiotelevizijski servisi BiH trebaju razviti odgovarajuće strategije kako bi se Sistem javnog radiotelevizijskog servisa prilagodio potrebama i zahtjevima novog digitalnog okruženja.
25. Politička i finansijska neovisnost Regulatorne agencije za komunikacije treba biti osigurana.

CIVILNO DRUŠTVO

26. Civilno društvo treba nastaviti mobilizirati građane i vršiti pritisak na bh. vlasti da se osigura adekvatno finansiranje i radna atmosfera za normalan rad javnog servisa. Ukoliko država ne poduzme gore opisane mjere, civilno društvo će pokrenuti predmet pred Evropskim sudom za ljudska prava zbog kršenja člana 10 Evropske Konvencije za ljudska prava.

JAVNI RADIOTELEVIZIJSKI SERVISI

27. Javni radiotelevizijski servisi BiH trebaju poduzeti neophodne reforme da osiguraju neovisnost, da optimiziraju resurse, da izgrade efikasan i profesionalan sistem organiziran za digitalnu produkciju, upotrebu različitih platformi i socijalnih medija, koji služe interesima javnosti i svim narodima i grupama društva, čime osiguravaju transparentnost i odgovaraju javnosti.
28. Sva tri javna servisa trebaju nastaviti dijalog i stvoriti zajedničkog mrežnog operatera, razmjenjivati program i smanjiti troškove zajedničkim pokrivanjem, odnosno produkcijom važnih javnih događaja.

29. Profesionalci iz javnog medijskog servisa i sindikati trebaju snažno podržati neophodne reforme u kreiranju modernog servisa za građane i preuzeti dio odgovornosti za uspjeh ovih reformi.

MEĐUNARODNA ZAJEDNICA

30. Međunarodna zajednica spremna je da posreduje u dijalogu o javnim servisima svih zainteresiranih strana i pruži odgovarajuću ekspertizu, potrebna iskustava i najbolje prakse.
31. Evropski parlament će nastaviti odlučno zahtijevati od države Bosne i Hercegovine da osigura odgovarajuće finansiranje za javni servis, i odgovarajući zakonodavni i institucionalni okvir za javni servis i nastaviti će diskutirati o javnom servisu Bosne i Hercegovine s Evropskom komisijom.
32. Imajući u vidu da je Bosna i Hercegovina potpisala Sporazum o stabilizaciji i pridruživanju s Evropskom unijom 16.06.2008. godine i da samo jedan od šesnaest zahtjeva, koji obavezuje vlast Bosne i Hercegovine da osigura finansijsku i programsku neovisnost javnog radiotelevizijskog servisa, nije postignut, predložiti će se nadležnim tijelima Evropske unije da ovaj zahtjev uključe kao hitnu obavezu u nastavku pregovora o procesu pridruživanja Bosne i Hercegovine Evropskoj uniji. Ovo može biti napravljeno kao posebno Poglavlje, *Chapter-specialist*, što već postoji kao praksa za zemlje koje pristupaju EU.
33. Koordinacioni tim će predložiti Evropskom parlamentu da organizira saslušanje o situaciji u Javnom radiotelevizijskom sistemu/servisu u Evropskom parlamentu.
34. Evropska komisija i Evropski parlament će nastaviti pratiti razvoj u oblasti Javnog radiotelevizijskog servisa i poštivanja vladavine prava.
35. EBU ponudit će *peer to peer* s namjerom da pomogne kompletnoj reorganizaciji i reformi Javnog radiotelevizijskog servisa u skladu s novim izazovima, zahtjevima i razvojem tehnologija.

Koordinacijski tim:

Voditelji:

Belmin Karamehmedović, mob: 061 892 297, mail: belmin.karamehmedovic@bhrt.ba

Lejla A. Babović, mob: 061 720 847, email: lejla.babovic@bhrt.ba

Članovi:

Borka Rudić, Plamenko Čustović, Dara Cvijetić, Zoran Krešić i Goran Samardžić